

# О л н а э л ч

Гарси газрури, „Лиманный“ совхозд Шура Кичикова ирв.

Совхозин директор ур Метла келнә:—кех-куцах кӧдлмш энъ-зах уга, кӧдлмшч улс хәтәр. Ода деерән тосхлтин бригадт шунмгә улс кергтә, таниг тигәрән йовулнав.

Болв, Шура сонъсчкад:

—Намаг хӧбнд орултн,—гидж сурв.

Директор куукд куунур шилтдж хәләгъад, кесгтән уг-кур уга суув.

—Танд би гингн кӧдлмш ӧгхәр седләв,—гидж Метла келв.

—Уга, битн ямаран болвчн кӧдлмшт даслав, зӧвшәртн,—гидж келәд, Шура босад кабинетәс гархар селв. Генткн зоотехник ур Помытко ордж ирв. Эн тоот куундвриг медчкәд, зоотехник Шураг дӧнънв. Тегәд Шура ах хӧбч болв.

Ниднин джил энүнә бий деерән даадж авси иргүднә йир муухн бәәдлтә билә. Шура Дохоновна нӧкднә, Богган Анъгә келв;

—Мана му хұв, иргүд гих мертә болхас биш, хәләгъич, ямаран эщн. Манд йир ик кунд болх.

—Чи ягъджахмч,—гидж эстаассар Шура келв.—Маниг ююна тӧлә энүнд тәвсмб? Чамас сән хӧбч болх бәәлл уга.

Анъгә зӧвәр ичв, керг уга уг келчкән медәд, тагчрв...

Ниднин джил хӧбчнрт сән болсн уга. Дорд ӧмн үзгин ганъгин салькн теегт уулагъад, ӧвсн ӧгрәд, худгудт усн багърад, гурвн сар-шахуд тнигәд бәәв.

Зәрм хӧбчнр нам: „ода яяхм, кедг аргъ уга,—гилдәд шуукрлад бәәв.

Фермин залач ур Чавычалов ӧдр-сӧ уга гилтә участкисар эргәд, хӧбчнрт ус, идг олхднә нӧкд болад йовб. Болв Шуран хошур одад уга билә. „Кунд болджахмн терунд, болв дӧнъ сурхш, баатр куукд кун бәәдв“—гидж санад, Чавычалов Кичикован бригадур ирв. Хӧбднә кеер, хәрүллгәнәс ирәд уга. Хош деер ах хӧбч, Богган Анъгән гергн хойр бәәдж. Турун болдж Чавычалов хӧд ямаран бәәхинь сурв.

—Теднд юн болх билә,—гидж Шура хәрү ӧвв.

—Цуг хӧбчнр эн ганъгд, салькнд ӧблсн бәәцхәнә, бий-

чнв узджәнәлмч, идг хәтәр, усн бас тер—гидж фермин залач келв.

—Э, э, тиим, зуна ганъ, болв хӧбчнр әәх зӧв уга,—гидж Шура тӧвшүнәр хәрү ӧвв.

Манъгъдуртн Чавычалов, бригад ягъдж кӧдлгинь нүдәрн үзв. Ганъ-халуи болхиг медж, хӧбчнр дора-хотхр газрар бәәсн идгүдиг кӧндәсми уга. Ода халунд, ӧбдм газрин идг ӧгрдж одсн, эдн тер үлдәсән әрвддж олзджана. Ӗругъәр чиг бәәхлә ӧбдмд хәрүллж бәәгъад, халурхла хӧбдән хотхрмудур орулдг бәәлж.

Эн тоотнә, бригадт хӧбдән гару уга бәрх бәәтхә, нам сән чинәтә бәәлгъхднә, намрин хур икәр орад, ӧвсн кӧкрхлә, хӧбдиннә ноос ӧглгвинь ӧбдлүлхднә дӧнъ болджана. Тегәд чигн 9,5 килограмм торгън ноос Тӧрскндән хӧн болгънас ӧгнәвдн—гидж эн бригадин хӧбчнр даалгъвр авб.

Ӗдгә цагт Кичикован бригад хӧбдән гару уга, таргън-цагхлнъгар үвләс авч гарч, орнуттан ӧгнәвдн гисн ноосна зурагъан давулдж куцахин тӧлә шунлжана...

Темдгтә ӧдр. Совхозин клуб дуурәд хӧбчнр, үкрчнр, механизатормуд хурв. Хург эклтл эдн хоорндан зәнъгин сәәнәс нег-негндән келдж сонъмслдв. Кичикова Шура Ӗчра Бода хойр хӧбч куунддж бәәнә.

—Не, Шура, юн болджана?—гидж Бода сурна.

—Му биш, иргүд бийснә йир сән, нооснә улм-улмар ӧсәд бәәнә. Йисәд улү килограмм торгън ноос нег-негнә ӧгх—гидж Кичикова келв.

—Хәлә, хәлә, авчатн!—гидж Бода байрлв.—Тер хӧбдичнә би меднәв. Уннднә келхлә, теднчн ӧдлгчн уга, авдгчн уга адусд билә.

Тиигм цацу әмтнә куундән тагч болад, дарунь хург эклв. Турун болдж фермин залач ур Улашкин уг авб. Советск олн-әмтн ик гидг ӧргмджтәгъәр Советск 'государствин ах йосна органд сунъгъвр кехәр беллджәхин тускар келв.

Хургт суусн Шурад, совхозин инженер Токмаевин, багш Мокийин келсн тоот тод болад, би эврән партъд болн правительствд хансан келслч

гидж сандж суула. Генткн юн болджах, ягъджахн Шурад медгдл уга олв.

Зуг совхозин директор Алексеев Йисн:—Советск йосна ах органд эврәннә коллективәс Кичикова Шура Дохоновна илгәхмн,—гисн тод болад одна.—Намаг, байна угатя яльчин булд гарад, гулмтин умснлә хутхллдж, кӧбтә, хар тулгъ эргдж мӧлкәд ӧссн, эгл хальмг куукд кууг депутатин кандидатд!..Газр эргәд, Тюменд — Шургучинск загъсна консерви заводт, Сахалинд—Углегорск загъсна комбинатд, Омскд—Полтавск „Заготзернод“ кӧдлмшч болдж кӧллдж йовсн эгл хальмг куукд кууг, гарси газр-усан темқәд ирхләнә, депутатин кандидатд темдлх гидж кен сансн болхв! Нүднднә нульмсн мелтклзәд, байрнә бахлуртнә ирдж торв. Нег баахн зуур уханднә урдк цага түрү-зуду, дутулунд, кир утан хойрт даргдсн хагърха хар джолм сананднә орв. Урднә куукд кун чееджәрн дуурнә зовлнъгта йовдг. Иим джиргъл-бәәдлг ирднә цуг хальмг куукд улс үзсмн.

Залу улсла әлл зӧвиг куукд улст Советин йосн ӧгсмн. Келү ур куукднә ӧсдж, сургъуль-әрдм даслж, багшнр, әмчнр, агроном, инженер болдж гарв. Йир олн.

...Зал мел альх ташлгъар дуурәд бәәв. Эн хурсн улс цугъар Шура Дохоновна Кичиковад кундлсән болн дурлсан мелүлджәнә. Минь ода эдн Шураг депутатин кандидатд темдлх шиивр авад, цугъар босад зогсчкән, кӧдлмшт үнн седклән ӧгдг, нертә хӧбч, шишлнә эврәннә кучкӧлсәрн олнд кергтә, ик кундтә тӧр куцаджәх кууг, иткдәнә. Шура Дохоновна босад, аргъул трибунур гарч ирн, эврәннә келәр сунъгъачнрт үнн седклиннә ханлт ӧргв.

Шура Дохоновна сән хӧбч болсн деерән, олна кӧдлмшт шундж орлца. Хальмг куукд улс дунд цәәлгъврн кӧдлмш кехд, хӧбчрин бәәдл-джиргълинә ясрулхд шунна.

Нертә хальмг куукд кун—Шура Дохоновна Кичикова—государственн йосна ах органд олн-әмтнә даалгъвриг үнн седкләрн куцах элч мӧн.

БЕМБИН Тимофей.